



ODLUKA
o izmjenama i dopuni Kalendara obilježavanja datuma i događaja
značajnih za Grad Sarajevo
(prijedlog)

Predlagač: Gradonačelnik
Obrađivač: Gradska služba za opću upravu
i zajedničke poslove

Sarajevo, april 2018. godine



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 - prečišćeni tekst), a u vezi sa članom 1. Odluke o obilježavanju datuma, događaja i ličnosti od značaja za Grad Sarajevo („Službene novine Kantona Sarajevo“, broj 10/14), Gradsko vijeće Grada Sarajeva na sjednici od _____ 2018. godine, donijelo je

(prijedlog)

O D L U K A
o izmjenama i dopuni Kalendara obilježavanja datuma i događaja
značajnih za Grad Sarajevo

Član 1.

Ovom Odlukom utvrđuju se izmjene i dopuna Kalendara obilježavanja datuma i događaja značajnih za Grad Sarajevo (u daljem tekstu: Kalendar), koji je sastavni dio Odluke o obilježavanju datuma, događaja i ličnosti od značaja za Grad Sarajevo („Službene novine Kantona Sarajevo“, broj 10/14).

Član 2.

Izmjene Kalendara se odnose na izmjene nosioca obilježavanja Grada Sarajeva, dok se Kalendar dopunjava u odjeljku III „Važniji datumi i mjesta stradanja građana na području Grada Sarajeva 41.-45./92.-96.“ novom tačkom 23., koja glasi: „Dobrinja, Dan odbrane naselja Dobrinja, centralno spomen obilježje u ul. Branilaca Dobrinje i Omladinskih radnih brigada, 21.06. Grad Sarajevo.“

Član 3.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Igor dr. Gavrić

Broj:
Sarajevo, 2018. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva kojim je propisano da Gradsko vijeće donosi odluke, druge propise i opće akte, a u vezi sa članom 1. Odluke o obilježavanju datuma, događaja i ličnosti od značaja za Grad Sarajevo kojim je, između ostalog, propisano da je Kalendar obilježavanja datuma i događaja značajnih za Grad Sarajevo sastavni dio ove odluke.

RAZLOZI DONOŠENJA

Imajući u vidu da je nakon donošenja Zakona o državnoj službi u Kantonu Sarajevo došlo do nove organizacije jedinstvenog gradskog organa uprave bilo je potrebno izvršiti izmjene nosioca obilježavanja Grada Sarajeva, koji su utvrđeni Kalendarom, dok je dopuna Kalendara izvršena radi realizacije inicijative zamjenice Predsjedavajućeg Gradskog vijeća Grada Sarajeva Mire Jurić, koja je predložila da se u Kalendar uvrsti i 21.06., kao Dan odbrane sarajevskog naselja Dobrinja. U skladu sa navedenim, Gradsko vijeće Grada Sarajeva donijelo je ovu odluku.

FINANSIJSKA SREDSTVA

Finansijska sredstva za realizaciju ove odluke obezbjeđuju se u Budžetu Grada Sarajeva.

KALENDAR OBILJEŽAVANJA DATUMA I DOGAĐAJA OD ZNAČAJA ZA GRAD SARAJEVO

I	Opis događaja	Datum obilježavanja	Nosilac obilježavanja GRAD SARAJEVO	Način obilježavanja
1.	Javni doček Nove Godine	31.12. – 01.01.	Gradska služba za obrazovanje, kulturu, sport i mlade Stručna služba gradonačelnika Odjeljenje za kabinetske poslove i protokolarne poslove Odjeljenje za odnose sa javnošću	Muzičko – revijalni program na otvorenom (centralni i dječji program) Novogodišnje čestitke Obilazak dežurnih ekipa MUP KS, Vatrogasne brigade KS, CUM-a i Hitne pomoći
2.	Obilježavanje XIV ZOI Sarajevo '84	08. – 14.02.	Gradska služba za obrazovanje, kulturu, sport i mlade Odjeljenje za kabinetske poslove i protokolarne poslove Odjeljenje za odnose sa javnošću	Zajednička svečana akademija Gradskog vijeća i OKBIH Kulturne i sportske manifestacije
3.	Dan nezavisnosti BiH /01.03.1993./	01. 03.	Odjeljenje za kabinetske poslove i protokolarne poslove Odjeljenje za odnose sa javnošću	Zajednička svečana akademija Grad, KS i općine Polaganje cvijeća: Vječna vatra, Mezarje Kovači, Mezar prvog Predsjednika RBiH, Spomenik ubijenoj djeci opkoljenog Sarajeva, Veliki park (spomen obilježje ubijenim policajcima) i Spomen obilježje Vraca Čestitka članovima Predsjedništva BiH Čestitka u novinama
4.	Međunarodni Dan žena	08.03.	Odjeljenje za odnose sa javnošću	Čestitka uposlenicama Grada Sarajeva Čestitka u novinama

KALENDAR OBILJEŽAVANJA DATUMA I DOGAĐAJA OD ZNAČAJA ZA GRAD SARAJEVO

5.	Dan Grada Sarajeva Prvi napad na Sarajevo /06.04.1992./	06.04.	Gradska služba za obrazovanje, kulturu, sport i mlade Odjeljenje za kabinetske poslove i protokolarne poslove Gradska služba za Gradskog vijeće Grada Sarajeva Odjeljenje za odnose sa javnošću	Program obilježavanja (kulturne i sportske manifestacije), Svečana sjednica Gradskog vijeća (dodjela priznanja Grada Sarajeva) Polaganje cvijeća: Vječna vatra, Mezarje Kovači, Mezar prvog Predsjednika RBiH, gradska groblja Lav, Sv. Josip, Sv. Marko i Mezarje Stadion, Veliki park (spomen obilježje ubijenim policajcima), Spomen park Vraca, Spomenik ubijenoj djeci opkoljenog Sarajeva 92.-95., bista Vladimir Perić – Valter i Staro Židovsko g.
6.	Međunarodni Praznik rada	01.05.	Odjeljenje za odnose sa javnošću	Čestitka u novinama
7.	Dan sjećanja na ubijenu djecu u opkoljenom Sarajevu 1992. -1995. Dan Zlatnih ljljana	09.05.	Odjeljenje za kabinetske poslove i protokolarne poslove Odjeljenje za odnose sa javnošću Udruženje roditelja ubijene djece opkoljenog Sarajeva 92.-95.	Polaganje cvijeća na spomen obilježja Prigodan program
8.	Dan Evrope i Dan pobjede nad fašizmom	09.05.	Odjeljenje za kabinetske poslove i protokolarne poslove Odjeljenje za odnose sa javnošću	Svečani prijem (CD)
9.	Granatiranje Vijećnice, 1992.	26.08.	Odjeljenje za kabinetske poslove i protokolarne poslove Odjeljenje za odnose sa javnošću	Prigodan program u Vijećnici Saopćenje za medije
10.	Međunarodni Dan mira (obaveza prema IAPMC)	21.09.	Odjeljenje za kabinetske poslove i protokolarne poslove Odjeljenje za odnose sa javnošću	Sadnja drveta Polaganje cvijeća

KALENDAR OBILJEŽAVANJA DATUMA I DOGAĐAJA OD ZNAČAJA ZA GRAD SARAJEVO

11.	Dan državnosti BiH	25.11.	Odjeljenje za kabinetske poslove i protokolarne poslove Odjeljenje za odnose sa javnošću	Zajednička svečana akademija Grada, KS, općina i SABNOR-a, Polaganje cvijeća: Vječna vatra, Mezarje Kovači, Mezar prvog predsjednika RBiH, gradska groblja Lav, Sv. Josip, Sv. Marko i Mezarje Stadion, Spomen-park Vraca Čestitka članovima predsjedništva BiH, Čestitka u novinama
II	Vjerski praznici:	Datum obilježavanja	Nosilac obilježavanja GRAD SARAJEVO	Način obilježavanja
1.	Pravoslavni Božić	07.01.	Odjeljenje za kabinetske poslove i protokolarne poslove	Čestitke vjerskim poglavarima
2.	Katolički Božić	25.12.	Odjeljenje za odnose sa javnošću	Čestitka u novinama
3.	Ramazanski Bajram	/		
4.	Kurban Bajram	/		
5.	Uskrs	/		
6.	Vaskrs	/		
7.	Pesah	/		
8.	Hanuka	/		
9.	Jevrejska Nova Godina – Roš ašana	/		
10.	Svjetski Dan Roma	08.04.		
III	*Važnji datumi i mjesta stradanja građana na području Grada Sarajeva 41.-45./92.-96.:	Datum obilježavanja	Nosioci obilježavanja	Način obilježavanja
1.	Stradanje građana kod Sarajevske pivare (Isevića sokak), 1993.	15.01.	Kanton Sarajevo Općina Stari Grad	Polaganje cvijeća
2.	Stradanje djece na Alipašinom polju, ul. Bosanska, 1994	22.01.	Kanton Sarajevo Općina Novi Grad	Polaganje cvijeća
3.	Igmanski marš 26.01.1942.	26.01.	Kanton Sarajevo SABNOR KS, Općina Ilidža	Prema programu nosioca obilježavanja

KALENDAR OBILJEŽAVANJA DATUMA I DOGAĐAJA OD ZNAČAJA ZA GRAD SARAJEVO

4.	Spomen obilježje Ante Sučića	27.01.	Kanton Sarajevo Grad Sarajevo	Polaganje cvijeća
5.	Dobrinja, ul. Oslobođilaca Sarajeva, 1994.	04.02.	Kanton Sarajevo	Polaganje cvijeća
6.	Pijaca Markale Dan sjećanja na sve stradale građane Sarajeva u vrijeme opsade 92.-95.	05.02.	Kanton Sarajevo Grad Sarajevo Sve općine u KS	Zajednička komemorativna sjednica Polaganje cvijeća
7.	Dan reintegracije Grbavice, 1996.	19.03.	Općina Novo Sarajevo	Prema programu nosioca obilježavanja
8.	Most Suada Dilberović i Olga Sučić, 1992.	05.04.	Kanton Sarajevo Grad Sarajevo	Polaganje cvijeća
9.	Dan pogibije generala i narodnog heroja Safeta Hadžića, 1992.	18.04.	Udruženje „Patriotska liga“ Novi Grad Sarajevo	Prema programu nosioca obilježavanja
10.	Bitka za odbranu Predsjedništva BiH Granatiranje glavne pošte u Sarajevu, 1992.	02/03.05.	Kanton Sarajevo	Prema programu nosioca obilježavanja
11.	DB Butmir	07.05.	Kanton Sarajevo	Polaganje cvijeća
12.	Pofalićka bitka Stradanje Porodice Bibić, 1992.	16.05.	Općina Novo Sarajevo	Prema programu nosioca obilježavanja
13.	Granatiranje olimpijske dvorane „Zetra“, 1992.	21.05.	Kanton Sarajevo OK BiH	Prema programu nosioca obilježavanja
14.	Granatiranje Porodilišta „Zehra Muidović“, 1992.	26.05.	Kanton Sarajevo KCU Sarajevo	Prema programu nosioca obilježavanja
15.	Stradanje građana u redu za hljeb Ul. Ferhadija, 1992.	27.05.	Kanton Sarajevo Općina Centar	Polaganje cvijeća
16.	Dobrinja (bajramski turnir), 1993.	01.06.	Kanton Sarajevo	Polaganje cvijeća
17.	Dan oslobođenja platoa brda Žuč, 1992.	08. 06.	Općine Novi Grad, Novo Sarajevo i Vogošća Kanton Sarajevo	Prema programu nosioca obilježavanja
18.	Budakovići (stradanje građana prilikom održavanja dženaze), 1993.	12.06.	Kanton Sarajevo	Polaganje cvijeća
19.	Dan pogibije 47 građana Ahatovića, 1992. (Masakr na mjestu Sokolina – autobus)	14.06.	Udruženje RVI Novi Grad Kanton Sarajevo	Prema programu nosioca obilježavanja

KALENDAR OBILJEŽAVANJA DATUMA I DOGAĐAJA OD ZNAČAJA ZA GRAD SARAJEVO

20.	Deblokada Dobrinje, 1992.	17.06.	Kanton Sarajevo Općina Novi Grad	Prema programu nosioca obilježavanja
21.	Dan pogibije Komandanta 2. Viteške brigade Safeta Zajka, 1993.	17.06.	Udruženje „2. Viteška“ Novi Grad Sarajevo	Prema programu nosioca obilježavanja
22.	Stradanje građana na Dobrinji, OŠ Skender Kulenović, 1995.	18.06.	Kanton Sarajevo Općina Novi Grad OŠ Skender Kulenović	Polaganje cvijeća
23.	Dobrinja, Dan odbrane naselja Dobrinja, centralno spomen obilježje u ul. Branilaca Dobrinje i Omladinskih radnih brigada	21.06.	Grad Sarajevo	Polaganje cvijeća
24.	MZ Bistrik, stradanje djece u ul. Bakarevića, 1993.	26.06.	Kanton Sarajevo	Polaganje cvijeća
25.	Otvaranje aerodroma Sarajevo (hum.letovi), 1992.	30.06.	Kanton Sarajevo	Prema programu nosioca obilježavanja
26.	Dobrinja, ul. H. Turajlića do br. 37, 1993.	12.07.	Kanton Sarajevo	Polaganje cvijeća
27.	Dobrinja, ul. Vahide Maglajlić, 1993.	21.07.	Kanton Sarajevo	Polaganje cvijeća
28.	Dan ustanka naroda i narodnosti BiH, 27.07.1941.	27.07.	Udruženje antifašista Novi Grad Sarajevo	Prema programu nosioca obilježavanja
29.	Dan pogibije Komandanta Envera Šehvića, 1993.	27.07.	Općina Novo Sarajevo Općina Novi Grad	Prema programu nosioca obilježavanja
30.	Dan pogibije Komandanta TO Ramiza Salčina, 1992.	22.08.	Udruženje „Patriotska liga“ Novi Grad Sarajevo	Prema programu nosioca obilježavanja
31.	Daira, stradanje građana u redu za vodu ul. Halaći, 1992.	23.08.	Kanton Sarajevo	Polaganje cvijeća
32.	Stradanje građana kod Gradske tržnice, ul. M.M. Bašeskije, 1995.	28.08.	Kanton Sarajevo Grad Sarajevo	Prema programu nosioca obilježavanja Polaganje cvijeća
33.	Alipašino polje (pijaca), ul. Trg Solidarnosti, 1992.	30.08.	Kanton Sarajevo	Polaganje cvijeća
34.	Formiranje I Korpusa Armije RBiH, 1992.	01.09.	Kanton Sarajevo	Prema programu nosioca obilježavanja

KALENDAR OBILJEŽAVANJA DATUMA I DOGAĐAJA OD ZNAČAJA ZA GRAD SARAJEVO

35.	Prva ratna pozorišna predstava, 1992.	06.09.	SARTR /Kanton Sarajevo	Prema programu nosioca obilježavanja
36.	Mjesno groblje Buljakov potok, 1992. (stradanje građana prilikom obavljanja dženaze)	28.09.	Kanton Sarajevo	Polaganje cvijeća
37.	Alipašino polje, Trg ZA VNOBIH-a Stradanje učenika i učiteljice za vrijeme nastave OŠ „Fatima Gunić“, 1993.	09.11.	Kanton Sarajevo Općina Novi Grad OS „Fatima Gunić“	Prema programu nosioca obilježavanja Polaganje cvijeća
38.	Stradanje građana u ul. Ilije Engela i Žrtava Fašizma 12 (Otoka), 1993.	10.11.	Kanton Sarajevo Općina Novi Grad	Polaganje cvijeća
39.	Drvenija, ul. H. Kreševljakovića 47, 1993.	29.11.	Kanton Sarajevo Općina Centar	Polaganje cvijeća
40.	Drvenija (kod škole), ul. Obala Kulina Bana i Gimnazijska, 1993	14.12.	Kanton Sarajevo Općina Centar	Polaganje cvijeća
IV	Opis događaja	Datum obilježavanja	Nosioci obilježavanja	Način obilježavanja
1.	Dan Općine Stari Grad	02.05.	Općina Stari Grad	Prema programu nosioca obilježavanja
2.	Dan Općine Centar	02.05.	Općina Centar	Prema programu nosioca obilježavanja
3.	Dan Općine Novo Sarajevo	16.05.	Općina Novo Sarajevo	Prema programu nosioca obilježavanja
4.	Dan Općine Novi Grad Sarajevo	16.12.	Općina Novi Grad Sarajevo	Prema programu nosioca obilježavanja

*Obilježavanje događaja gdje je Grad Sarajevo učesnik u protokolarnim aktivnostima prema Kalendaru obilježavanja značajnih datuma, događaja i ličnosti iz perioda narodnooslobodilačkog rata iz perioda 1941.-1945. i odbrambeno-oslobodilačkog rata 1992.-

KALENDAR OBILJEŽAVANJA DATUMA I DOGAĐAJA OD ZNAČAJA ZA GRAD SARAJEVO

1995. Kantona Sarajevo, gradskih općina, udruženja i drugih nosilaca obilježavanja, osim u tački 23. gdje je nosilac obilježavanja Grada Sarajevo.

Prijedlog Kalendara je podložan izmjenama i dopunama!



Broj: 01-02-1262-1/17
Datum, 26.07.2017. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), na Šestoj sjednici Gradskog vijeća Grada Sarajeva, održanoj 26.07.2017. godine, **zamjenica Predsjedavajućeg Gradskog vijeća Grada Sarajeva Mira Jurić** uputila je **inicijativu** u kojoj je predložila da se u protokol obilježavanja značajnih datuma i događaja uvrsti i 21.06. kao Dan odbrane sarajevskog naselja Dobrinja.

Podnesena inicijativa je u prilogu ovog akta.

PREDSJEDAVALJUĆI GRADSKOG VIJEĆA

Dr. Igor Gavrić, s.r.

Dostaviti:

- Gradonačelniku,
- Evidenciji,
- a/a



BIH-FBIH-Kanton Sarajevo

Grad Sarajevo

PRIMLJENO:		
Org. jed. / Broj	Prejeto	Godina / Mjesec
01-05-1262/7	26-07-	2017 A.M.

Predmet: Inicijativa da Gradsko vijeće grada Sarajeva u svoj plan i program obilježavanja značajnih datuma i događaja uvrsti 21. 06 kao dan odbrane Sarajevskog naselja Dobrinja

OBRAZLOŽENJE INICIJATIVE

Ovo naselje je Olimpijskog karaktera i bilo je u fokusu svjetske javnosti kao olimpijsko novinarsko naselje u kome je boravilo 5.000 novinara iz cijelog svijeta za vrijeme ZOI 84. Danas je to stanbeno naselje sa preko 40.000 stanovnika koje je ponovo bilo u žiži svjetske javnosti 92-95 koje je polovinom maja 92 bilo okruženo sa svih strana kada su se njegovi stanovnici morali samoorganizovati i braniti svoj ponos i zaštititi svoje porodice. Njihova herojska odbrana ne smije pasti u zaborav, a među prvim žrtvama na Dobrinji bio je Slovenski novinar lista Mladina Ivo Štandeker. Dobrinja je u odbrambenom ratu 92-95 bila značajan bedem u odbrani grada Sarajeva, a i same države a pogotovu izgradnjom tunela D-B ispod aerodromske piste koji je bio koridor za sve funkcije. U junu mjesecu 92 neprijateljske snage izvršile su snažan napad na aerodromsko naselje u cilju zauzimanja cijele Dobrinje ili podjele na dva dijela. Herojskom borbom svih branitelja grada Sarajeva i Dobrinje od 15-21 juna odbranjeno je naselje C-5 i potisnut neprijatelj sa kote vodovod Mojnilo kada je Dobrinja dobila kakvu takvu komunikaciju sa gradom i bila odbranjena. Mjesna zajednica Dobrinja –B je odredila 21. 06 kao datum odbrane Dobrinje kada se obilježava i dan te MZ. Cilj ove inicijative je da se ne zaboravi više od 313 palih branitelja i civilnih žrtava rata koji su dali živote za odbranu ovog naselja a među njima i 12 žena te da grad Sarajevo u svoj protokol uvrsti ovaj datum i da na centralnom spomen obilježju u ulici Branilaca Dobrinje i ORB (Omladinskih radnih brigada) na ovaj datum gradska delegacija položi cvijeće te da se neko obrati građanima u ime GV I GU da isti vide da nisu zaboravljeni.

Nadam se da je ovo kratko obrazloženje dalo dovoljno argumenata da GU i GV ovaj datum i mjesto uvrste u svoj protokol.

Unaprijed hvala

Sarajevo 26.07 2017.

Zamjenica Predsjedavajućeg GV

Jurić Mira
Jurić Mira

GRAD SARAJEVO

Gradsko vijeće

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na sjednici održanoj 26.02.2014. godine, donosi

ODLUKU

O OBILJEŽAVANJU DATUMA, DOGAĐAJA I LIČNOSTI OD ZNAČAJA ZA GRAD SARAJEVO

Član 1.

Ovom Odlukom utvrđuju se protokolarne aktivnosti za obilježavanje datuma, događaja i ličnosti od značaja za Grad Sarajevo prema Kalendaru obilježavanja datuma i događaja značajnih za Grad Sarajevo (u daljnjem tekstu: Kalendar), koji je sastavni dio ove Odluke.

Član 2.

Nosioci aktivnosti utvrđeni Kalendarom iz člana 1. ove Odluke, obavezuju se da prate, planiraju, njeguju i obilježavaju sve datume, vezane za događaje i ličnosti od značaja za Grad Sarajevo.

Član 3.

Gradonačelnik Grada Sarajeva u koordinaciji sa Predsjedavajućim Gradskog vijeća Grada Sarajeva određuje nosioce i redoslijed aktivnosti obilježavanja određenih datuma, događaja i ličnosti od značaja za Grad Sarajevo, prema utvrđenom Kalendaru.

Član 4.

Aktivnosti prema Kalendaru prati, planira i koordinira Gradska uprava Grada Sarajeva, Stručna služba Gradonačelnika - Odjeljenje za protokolarne poslove.

Član 5.

Sredstva za finansiranje obilježavanja značajnih datuma i događaja za Grad Sarajevo obezbjeđuju se u Budžetu Grada Sarajeva.

Član 6.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-405/14
26. februara 2014. godine
Sarajevo

Predsjedavajući
Gradskog vijeća
Sabahudin Delalić, s. r.

Na osnovu člana 47. stav 2. alineja 1. Zakona o prostornom uređenju Kantona Sarajevo ("Službene novine Kantona Sarajevo", br. 7/05), te člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), Gradsko vijeće Grada Sarajeva, na sjednici održanoj dana 26.02.2014. godine, donijelo je

ODLUKU

O USVAJANJU REGULACIONOG PLANA
"AHATOVIĆI"

Član 1.

Usvaja se Regulacioni plan "Ahatovići" - (u daljnjem tekstu: Plan).

Član 2.

Plan se sastoji od tekstualnog i grafičkog dijela. Tekstualni dio sadrži:

- Postojeće stanje i projekciju izgradnje i uređenja prostorne cjeline sa namjenom površina i urbanističko-tehničkim uslovima za izgradnju u okviru Plana;
- Odluku o provođenju Plana.

Grafički dio sadrži:

- Urbanizam prezentiran na odgovarajućem broju tematskih karata i to:
 - karta 1. - Izvod iz Prostornog plana Kantona Sarajeva
 - karta 2. - Izvod iz Urbanističkog plana grada Sarajeva
 - karta 3. - Ažurna geodetska podloga
 - karta 4. - Postojeće stanje - namjena, spratnost i kategorija objekata
 - karta 5. - Posjedovno stanje
 - karta 6. - Planirana namjena površina
 - karta 7. - Odnos prema postojećem građevinskom fondu
 - karta 8. - Urbanističko rješenje - Razmještaj objekata sa namjenom i spratnošću
 - karta 9. - Prijedlog plana parcelacije
 - karta 10. - Plan regulacionih i građevinskih linija
 - karta 11. - Inženjersko geološka karta
- Analitička obrada građevinskih parcela
- Idejno rješenje saobraćaja,
- Idejno rješenje snabdijevanja vodom i odvodnja otpadnih i oborinskih voda,
- Idejno rješenje toplifikacije-gasifikacije,
- Idejno rješenje elektroenergetike i javne rasvjete,
- Idejno rješenje hortikulture,
- Idejno rješenje tk-mreže

Član 3.

Po jedan primjerak ovjerenog elaborata nalazi se na stalnom javnom vidu i čuva se u Službi dokumentacije Općine Novi Grad Sarajevo, Gradskoj upravi - Služba za urbano planiranje i stambene poslove i Zavodu za planiranje razvoja Kantona Sarajevo.

Završne odredbe

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-406/14
26. februara 2014. godine
Sarajevo

Predsjedavajući
Gradskog vijeća
Sabahudin Delalić, s. r.

Na osnovu člana 47. stav 2. alineja 1. Zakona o prostornom uređenju Kantona Sarajevo ("Službene novine Kantona Sarajevo", br. 7/05), te člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), Gradsko vijeće Grada Sarajeva, na sjednici održanoj dana 26.02.2014. godine, donijelo je

ODLUKU

O PROVOĐENJU REGULACIONOG PLANA
"AHATOVIĆI"

Član 1.

Ovom Odlukom utvrđuje se provođenje Regulacionog plana "Ahatovići" (u daljnjem tekstu: Plan), a naročito: granice prostorne cjeline, namjene površina, urbanističko-tehnički uslovi za izgradnju građevina i uređenje građevinskog zemljišta, uslovi za legalizaciju građevina izgrađenih bez odobrenja za građenje, uslovi korištenja zemljišta na zaštićenim infrastrukturnim pojasevima i zaštićenim područjima, mjere zaštite stanovnika i materijalnih dobara od prirodnih i ljudskim djelovanjem izazvanih nepogoda, katastrofa i ratnih djelovanja, mjere zaštite prava lica sa smanjenim tjelesnim sposobnostima, uslovi uređenja zelenih i slobodnih površina, te odnosi prema postojećim objektima.